

榆次縣志卷八

教育攷

古代以家庭教育社會教育與學校教育並重降及後世專尚人才於是古法盡失而學校教育遂偏重已榆次學制宋以前邈不可稽元代趙先生彬講學源渦時稱名德至明乃設學官以督諸生清制因而未改恤寒峻讀書之艱於是有尊經之閣官頒圖籍略爲具備恐貧生之不能專學又設廩膳以給之無如習而不察視爲故事於是所謂學校者第爲綜匯生童便於有司之試而已書院之興冀挽其弊主之以賓師非徒爲設官拘束也試之以正課附課擇尤獎賞勉以

觀摩進益也乃亦習焉不察主講者第課功令文字應試者志圖弋獲膏獎甚至冒名假借不以爲非逮夫學堂旣設法令更新殆所謂窮則必變乎民國成立改學堂爲學校並提倡社會教育以期普及法至良意至善也惜乎二十年來徒尚空名毫無實效司教育者將何以設法改良以副國家培植人才之本意哉

勸學所

附教
育局

創設於清光緒三十二年周代理知縣之驥稟呈提學使以常贊春兼任所長翌年李成瀛繼任地址占考院之後院宣統二年移於東門街之外委宅所長由楊謨顯繼任並設勸學員四名中華民國四年常麟圖繼任七年廢所長以縣視

學統勸學員而設所於功德祠二十一年改稱教育局縣視學
爲教育局長勸學員爲縣督學地址改佔西街文昌廟云
教育會 清季第統於勸學所中華民國元年沈縣長集邑人選
舉楊謨顯等爲正副會長每屆暑假假高等小學地址召集各
鄉鎮小學教師傳習教授管理諸法並於寒暑假假期通知全體
會員開會討論教育興革事宜十六年因另組教育協會廢止
會事奉令以卷宗什物繳於縣署教育協會亦未成立十七年
復奉令恢復教育會行委員制以現任學校教職員及社會教
育機關職員爲會員由會員公舉幹事七人由幹事互選常務
幹事一人主其事地址佔北街功德祠

鳳鳴書院 清末改稱鳳鳴學堂民國二年復奉部令稱縣立高
等小學校茲將其沿革分述於左

(一)地址 在縣署東清乾隆十三年錢知縣之青就兩賢祠
設義學出脩脯延師課士並移嵌劉星停帆帖石刻於講堂屋
壁越十八年史知縣湛增建學舍榜曰鳳鳴書院嘉慶二十四
年路知縣孟達重修咸豐元年於書院西偏別置地基一所起
造屋宇爲經理人辦公之所中華民國元年兩賢祀廢乃撤去
神閣移荀文二公像於距後五尺許前置門屏其地頓形爽塏
九年復併乙種^實業學校校址及後之坍塌毀倉屋呈請官廳將
倉後廢址開闢新建教室二而廢倉地址則改建學校後門也

(二)經費 道光十七年文知縣光向闔邑紳富捐銀一萬兩光緒二十八年劉知縣光煥復向紳富捐銀三萬餘兩連同光緒中修志贏餘一千兩共計四萬餘兩存於十行按月八釐行息不計閏每屆十二月初一日由十行交息於經理備酒食以款之其息銀存之錢肆凡師之脩資書辦夫役之工食書院之雜費生童應試之膏火資皆取給於斯焉民國六年俞縣長家驥呈報縣財政於財政廳奉令將學校存款歸縣公款局經管自是學校經費遂由官廳核定按月支領矣

(三)經理與董事 書院經理向由邑紳推選無定額且不支薪津及車馬諸費往者失考茲據清光緒中聯名懸匾者爲舉

人桑俱備白生華杜道周及丙午經理爲王副貢黎照智歲貢履坦舉人李成瀛郝憲曾生員白汝慎桑祉三十二年戴知縣書銘召集邑紳衿於明倫堂廢經理改選董事當投票選定常

贊春王萼趙岵楊謨顯閻翰國五人爲董事後又益以常運隆

候承鼎范丕勛李光鴻趙鶴年六人爲董事云

諸生爲山長及校長頒德教懸匾額者清光緒

三十年爲本邑李山長廷實題曰經人師表三十二年爲本邑常堂長麟書題曰博文約禮民國十三年爲本邑郝校長維藩題曰誨人不倦

(四)班次與課程 書院山長向時祇以發題試士專試時文及試帖詩清光緒丁亥平定張進士西園主講乃選童生背誦經書間試諸生以雜體文詩住院諸生且教之習射焉清光緒三十一年改書院爲學堂由常麟書任堂長廢時文試義論增

加算學於是生徒齊集講堂聽講不復分住院與外課矣癸卯後停科舉學堂以修身經學歷史地理國文算術圖畫體操諸科分班教授諸生皆改住堂而每月八日仍試義論丙午留省諸生鑒於省垣學堂之課式亟圖改善而經理者不無更張於是互興告訐至於省委官紳准縣調處始別舉董事改定章程其延聘教員由董事聘訂轉報官廳備案收息由董事經手以南門內公立初等小學堂合爲兩等小學堂又別設師範科拔取向時鳳鳴學堂肄業諸生習師範完全功課常氏任監督嗣續設中學一班以未經呈部立案尋廢丁未諸生畢業師範及高等小學者各有差後乃專招高等小學生至清末無易中華

民國元年冬諸生又以飲食細故興訟官廳辦理未得體要於是董事等乃據社團法人財團法人資格別立公立小學堂而以舊有者歸之官廳嗣經調處仍本前定章程聘師須官廳與董事互爲妥商乃得平息至二年教育部令改學堂稱學校於是易名爲榆次縣立高等小學校任常建春爲校長六年校款既奉令歸公款局經管董事輩亦呈請辭職而教員之聘辭遂由校長轉請縣署委任云

(五)存書^圖 書院存書向時無幾除時文外僅有瀛環志略及方正學集二部山西通志一部清光緒丁未移尊經閣藏書歸之於是闕藏書室儀器室於中院之東西二隅諸書頗斷爛失

次董事常贊春因出家藏之十三經廿四史廿二子朱子全書
昭明文選捐贈學堂具呈縣署沈知縣繼焱申稟山西巡撫及
提學使由巡撫給以士誦清芬提學使給以分惠士林字樣並

印花飭縣傳知裝飾懸匾焉

尊經閣藏書詳
見文廟圖書館

東城書院 在東嶽廟東南隅久廢僅存古柏一株及寇天與碑
記一通

涂川書院 錢志謂在縣西今無考

源池書院 在源渦鎮西元徵士趙彬建左丞呂思誠勒石記其
事後彬予大有孫唐臣舜臣重葺明嘉靖間舉人寇天瑞卽其
舊址中建先聖殿左右翼以兩廡前爲櫺星門後爲講舍大殿

塑先師孔子及四配十哲像清康熙乾隆間迭經修葺道光二
十四年里人甯國同予貢生述俞募資數千金拓而新之復增
有子朱子二像擴充兩廡重新木主金碧輝煌文光丕煥又於
門外鑿泮池繚以圍牆廟東造屋十餘間爲師生課讀之所清
末改設小學堂今稱小學校焉

義學社學 清代爲輔助教育並救濟貧寒起見於是城鄉各處
有義學社學之設其辦法由公家購置學田以供脯脩而集貧
寒子弟使就讀焉今其制雖敝其跡不可泯也爰列表存之於
左

清代城鄉義學社學表

名	稱地	址	創建年月及創人	備考
兩賢祠義學			明萬歷年知縣劉似黿	見前鳳鳴書院
西門街義學			清康熙年知縣王亦宣	今占義務學校
鳴謙鎮義學			清乾隆十二年知縣錢之青	
什貼鎮義學			清乾隆十三年監生王光	
永康鎮義學			清乾隆十一年知縣徐玉田	
東郝村義學			清乾隆十三年里人公建	
聶村義學			清乾隆十三年鹽生智昌	
張村義學			清咸豐七年倉正田克智	
鳳翔書舍	長凝鎮			
魏榆書舍				詳後

榆次縣志

卷八 教育攷

六

北門街社學		詳		後
東陽鎮義學				

魏榆書舍 在縣城北街向為義學後蕪廢清末設簡易識字學

塾中華民國八年俞縣長家驥遵部章改稱功德祠以祀前代

之官榆次著德政者為文書石以記之文略云 榆次城之北衢有魏榆書舍者清康熙間劉星

知縣事時所築也劉公治榆多惠政受代之曰紳耆戴德為奉祿位於其中用誌去思遂稱書舍曰劉公祠厥後設立義塾清季設簡易識字學塾歷年滋久風雨侵殘兩廡有屋數楹復為負販

賃居朽蠹傾斜同堪慨惻劉公之位久失所在縣廨東隅之高等小學舊為兩賢祠內塑晉荀浪宋文潞公二偶像旁置神龕二凡邑宰之有功德於民者皆設主坵祀焉城南舊有明知縣蕭大

亨清李粹然生祠孔子廟旁有明知縣劉似黿清張環生祠縣議會故址之舊考院則有清兩江總督威毅伯曾公生祠又有知縣陳學富張承熊雷棣榮坵祀於內歲時致祭俎豆莘莘願或

以年湮代遠而祠宇頽或以改建學校與議會而祀典曠陵谷遷變人事滄桑其何以垂曩哲之遺烈啓後世之景行哉家驥銜命忝宰是邦嘗披覽邑乘景仰先賢而魏榆書舍尤為茲邑勝觀

爰與士紳亟謀興葺主房大門盡行改建凡歷代名宦粟主舊在各祠供奉者俱為移入且遵部制顏其額曰功德祠特苟文二公塑像巨重不能移仍存諸高等小學耳其魏榆書舍舊額則修

潤如式懸諸祠側以保劉公遺迹閱兩月而工告成斯役也計為屋一十九間半費銀幣四百四十元由地方士紳踴躍捐助因揭其巔末鑱之於石並仿漢碑出泉之例繫姓名其後俾有所考焉

社學 縣城北街節孝祠旁有清順治初知縣楊三知生祠及楊

公所建社學今併入節孝祠邑人湖廣巡南兵備道諸應于記

其事文略云

上御極七年庚寅五月筠翁楊公出俸二百金建榆次社學一所正楹者六南北廂楹者各五門楹者一又出俸一百金置負郭之田五十餘畝行選舉

之法取青衿之學行兼優者以為師表凡民間子弟力不能束修而學者皆許從此地執經問業蒙以養正聖功也功在一時德垂千古誠盛典哉嗣是三晉人文蔚起先後薦賢書捷南宮者將指不勝屈曷有乎童子之社學也蓋良玉出於璞中足為希世之寶人才起於庠校終作王國之楨則童蒙者河嶽之所鍾而社庠者氣運之攸關者也但高明之家家自有學人自有師欲子齊語引置莊嶽夫復何難獨是單寒藍縷之子生計維日不足雖異才美質而啓迪無因終歸墜落公之創建此學者又渡世慈航其一段薪樞作人之意誠有紆曲於中而不容懈者而風雨鷄鳴勤勤矻矻隨才指點大冶爐錘以其玉於成者惟在館師者主盟於此惜時陰之分寸念公家之館穀重不世之作養攜我童蒙日就月將朝組暮練行見有造之小子挺然於雪硯寒燈之下毅然於春鶯秋鹿之中將出而為霖雨作舟楫經綸世業併垂不朽者於今日而可募矣工始於今年之四月落成於五月公以四年卓異報最考成璽書褒美人拜為司馬大夫脂車就道矣至創

榆次縣志

卷八 教育攷

七

始圖終開先繼後所稱為祥麟瑞鳳以表此樹人之烈者更有望於後之君子公諱三知字筠伯丙戌會魁直隸順天府良鄉縣人

文廟圖書館 以中華民國十一年成立取向時尊經閣藏書及

高等學堂所存參考書歸之

按尊經閣原藏明代書有五倫書性理大全詩傳大全書傳大全周易傳義中庸或問論語集註孟子集

註禮記集說春秋集傳裝訂古樸版刻精緻又有十三經註疏則清初汲古閣毛氏刻本二十四史則明南北監版印又淵鑿齋朱子全書太原府志榆次褚志清光緒丁未經史歸高等小學中華民國元年諸書歸勸學所迨文廟圖書館成立乃兼學校所存參考書及常氏捐贈各書統歸於館焉

閱報室 在思鳳樓下中華民國七年俞縣長家驥即舊寅賓館

舍址略加修葺購置書報任人閱覽尋廢

宗聖會 以中華民國三年成立地址在文廟齋室設正副會長

各一人學界同人俱為會員

洗心社 在學宮明倫堂中華民國七年俞縣長家驥奉省令設

正副社長各一人每屆禮拜日約聘講師講演後廢

雅樂傳習所 附設於教育會內民國十二年會長常贊春商同城關各學校遴選諸生傳習雅樂凡六閱月而止

國學專修館 爲同善社所創辦以民國十四年成立初在該社附設後移文廟神廚十五年同善社解散遂歸停頓

民衆教育館 在文廟內以民國二十年創設旋廢

醫學堂 清光緒三十一年戴知縣書銘創設地址初占會政公局後移外委宅旋復移東嶽廟西禪房院三十三年停辦

縣立第一高級小學校 在縣署東初名高等小學校民國十五年遵章改稱今名初任校長爲常建春前後共畢業學生四十

七班現有學生一百四十餘名

縣立第一高級小學校附設師範速成科 民國十二年楊校長道顯以本縣師資不敷應用乃於校內附設師範速成科一班授以單級師範功課計三十四兩年共畢業學生八十餘人
縣立第二高級小學校 在東陽鎮以中華民國八年八月成立初任校長爲趙嶙前後共畢業學生二十班現有學生六十餘名

縣立第三高級小學校 在鳴謙鎮以中華民國八年十月成立初任校長爲康蘭馨前後共畢業學生十三班現有學生五十餘名

縣立第四高級小學校 在六堡鎮以中華民國十年十月成立
初任校長爲閻國柱前後共畢業學生十三班現有學生五十
餘名

縣立第五高級小學校 在長凝鎮以中華民國十一年五月成
立初任校長爲閻國柱前後共畢業學生十五班現有學生九
十餘名

縣立女子兩級小學校 在城內南寺街財神廟內初名女子初
級小學校清宣統三年龔知縣慶雲創設任董化時爲校長中
華民國九年秋劉縣長玉璣添設高級班改稱今名前後共畢
業學生十九班現有學生一百三十餘名

縣立實驗小學校 初名模範初級小學校在學宮內以中華民
國二年成立就原教諭訓導二宅略加修葺爲教室二十一間
齋舍二十二間並闢射圃爲操場嗣因擴充班次更闢依仁游
藝二齋爲教室初任校長爲康城二十二年奉省令改稱今名
前後共畢業學生二十七班現有男女學生三百餘名

乙種實業學校 在縣立第一高級小學校東舊爲民宅民國二
年以公款購得五年開辦內建教室三東西各闢齋舍又闢東
偏小屋爲商業實踐所初任校長爲常建春九年奉令停辦併
其地入第一高級小學校

縣立第二模範初級小學校 在大關帝廟三代祠以中華民國

二年創設旋併於第一模範初級小學校
四街初級小學校 以中華民國十八年創設就前教育會地址
爲教室八間齋舍六間體育場一所有男女學生六十餘名
南關初級小學校 原爲簡易識字學塾以中華民國初年改爲
公立初級小學地址占二公祠後移路家街關帝廟有學生一
百餘名
南關郭氏私立初級小學校 以民國二年由私塾改設授課科
目一遵定章今併入南關公學
小東關初級小學校 以中華民國元年就關帝廟及禪房院爲
校址有男女學生八十餘名

私立魏榆初級職業學校 在北關羊毫街中華民國二十年秋
由本縣留省同鄉會及在縣士紳發起籌備翌年推舉宋啓秀
等七人爲董事並公推宋啓秀兼第一任校長啓秀自捐縣北
關壽安里房屋歲租金四千元並任常年捐金三千元於是年
十一月呈准教育部立案所有教室儀器室禮堂飯廳等均次
第興建並闢體育場三所二十一二兩年各招商科一班二十
三年復招工科一班現有學生六十餘名
魏榆初級職業學校附屬兩級小學校 在城內龍王廟一切建
築悉就廟內房屋略加修改現有高級生一班初級生兩班共
學生一百餘名

晉華職工子弟學校 在北關晉華街爲晉華紡織公司所創辦
以民國二十三年成立校內附設之工人訓練班則於二十四
年開辦云

義教學校 爲義務教育學校之簡稱民國二十四年奉部令成
立一曰西街義教學校初占縣文廟神廚後移西門街義學二
曰北街義教學校初占延壽寺後移抽頭巷三曰南關義教學
校占南關三郎廟四曰使趙義教學校在縣北使趙鎮二十五
年又續設義教學校三處一在什貼鎮一在張慶村一在東陽
鎮

師範講習所 在城內關廟巷以中華民國七年成立九年停辦

共畢業學生九十餘名

車輞村篤初小學堂及常氏私立中學兼高初兩等小學堂 四
鄉學校之設以車輞村常氏爲最先清光緒二十九年合併私
塾成立篤初小學堂時常麟書總教務定諸生優者爲甲班次
乙班最稚者爲丙班授課科目一依定章三十二年夏呈請立
案奉提學使批改稱常氏私立中學兼高初兩等小學堂民國
二年商業失敗經費拮据縮小範圍僅餘初級生二班八年遂
併入村學校十四年常贊春等商同族衆規復篤初學校於宗
祠之東偏院其功課則依單式小學校教授現有男女學生六
十餘名

車輞村知恥學堂 爲常氏女學名以清光緒三十一年成立由常沛春等集族中婦女受課延年長有德者監堂諸女生不得爲觀飾功課則初習家事及作文習字算術漸乃擇增科學民國二年停辦十四年常贊春等規復十八年乃合併村中諸女生而授課焉

車輞村學堂 清光緒三十三年由常贊春倡議設立諸生以前半日如堂受課下午仍在私塾讀書每月考試擇尤給獎李知縣兆慶題熱心公益匾額以獎之中華民國十二年改設兩級小學校現有學生七十餘名

北田鎮公立小學校 以清光緒三十四年由鎮長王萼改村之私塾而成今稱初級小學校有學生九十餘名

什貼鎮兩級小學校 以民國十四年由初級小學校增設高級班有學生一百零八名

永康鎮兩級小學校 以民國二十一年由初級小學校增設高級班有學生一百五十餘名

各鄉鎮學校除上述外據民國二十二年度調查二百二十五處學生八千七百餘名茲列表如左

榆次縣鄉村學校一覽表

校名		成立年月	學生數		校名		成立年月	學生數	
韓村初級小學校	清光緒三十三年二月	男	一	女	二	源渦鎮初級小學校	宣統元年二月	男	六
								女	三

東趙村初級	西祁村初級	榆城坪村初級	郝都村初級	南蘭郊村初級	小河溝村初級	葇豆灣村初級	白石村初級	樓子岩村初級	慶城村初級	張家莊初級
民國十年二月	民國十年三月	全	全	全	全	民國十年十月	全	全	全	全
三七	一七	二四	一一	一八	一六	一二	二五	一五	二五	一八
				二		一		二		一
季麻村初級	南趙村初級	高坪村初級	東山上村初級	伽東村初級	閣子頭村初級	南伽西村初級	高家山村初級	承恩村初級	窟上村初級	南頭村初級
全	全	全	全	全	民國十年七月	民國十一年三月	全	全	全	全
二九	二二	四一	一五	二一	三二	四	三二	一九	一四	一九
六	四						五			二

北趙村初級	訓峪村初級	下峪村初級	南橋頭村初級	蘇家莊村初級	莊子村初級	麓台村初級	義井村初級	閻家坪村初級	許曲村初級	井峪村初級
全	全	民國七年三月	全	民國九年二月	全	全	全	全	全	民國九年四月
二七	三四	一九	二三	九三	六五	三四	一一	一八	一一	二二
									七	
東祁村初級	楊壁村初級	牛村初級	東後溝村初級	紫坑村初級	相立村初級	北蘭郊村初級	西趙村初級	崇元村初級	山頭村初級	山莊頭村初級
全	全	民國八年二月	民國八年三月	全	全	全	全	全	全	民國十年二月
二二	二六	四六	二	五三	四一	三	一八	二二	一七	五五
					三九		四	五		

仁溝口村 初級小學校	全	一八	二	莊窩村 初級小學校	全	一六	
保安寨村 初級小學校	全	二	三	大溝村 初級小學校	全	一九	
麻地溝村 初級小學校	全	二		西口莊村 初級小學校	全	一八	
東赤土村 初級小學校	全	一九		霍城村 初級小學校	全	二八	
馬欄村 初級小學校	民國十二年	二三		下戈村 初級小學校	民國十七年	一三	
白田村 初級小學校	全	二四		南沙溝村 初級小學校	全	一八	三
小壁村 初級小學校	民國二十年	九					
以上第二區 學校七十三處 學生二二九八名							
車輞村 初級小學校	詳見前	四九	二九	北田鎮 初級小學校	詳見前	九四	
東陽鎮 初級小學校	清宣統二年	八九		東長壽村 初級小學校	宣統二年	五	
王香村 初級小學校	民國元年	四五	一	要鎮 初級小學校	民國元年	六	八

榆次縣志

卷八 教育攷

十五

鞏村 初級小學校	全	三三		西白村 初級小學校	全	二九	七
南要鎮 初級小學校	民國元年	七二		聖許村 初級小學校	民國二年	三八	
德音村 初級小學校	民國二年	四		小伽南村 初級小學校	全	三二	
大伽南村 初級小學校	全	二五		龐志村 初級小學校	全	二七	三
彭村 初級小學校	全	二		陳胡村 初級小學校	民國三年	三二	六
南趙村 初級小學校	民國三年	三一		西雙村 初級小學校	全	三二	
北席村 初級小學校	全	一七		北流村 初級小學校	民國三年	二三	
楊梁村 初級小學校	民國三年	四四		南莊村 初級小學校	民國四年	六六	
南流村 初級小學校	民國四年	一八	二	張胡村 初級小學校	民國六年	三五	
楊安村 初級小學校	民國七年	二二		內白村 初級小學校	民國七年	一四	
王都村 初級小學校	民國八年	九五		杜堡村 初級小學校	全	三五	

南張村初級小學	西范村初級小學	述巴村初級小學	遠村初級小學	西胡喬村初級小學	胡喬營村初級小學	南莊立村初級小學	福堂村初級小學	褚村南社初級小學	級小學校	六堡鎮北社初級小學
全	全	民國九年二月	全	全	民國九年三月	民國十年五月	民國十五年三月	民國十九年二月	全	民國二年二月
二六	三八	四七	五一	二七	三五	一七	三一	二一	一五五	六
	七	九	七	二	二				三五	一
級下里村初級小學	魏岳村初級小學	開白村初級小學	朱村初級小學	東谷訓村初級小學	上丁里村初級小學	修文村初級小學	褚村北社初級小學	級小學校	南甄井村初級小學	大張義村初級小學
全	民國八年七月	全	全	全	民國十年二月	民國十一年三月	民國十八年二月	全	民國三年三月	民國元年三月
四	三	二七	二一	一一	一九	四七	二八	七五	六一	七五
									一五	八七

以上第三區

學校四十五處
學生一七三八名

榆次縣志

卷八 教育攷

十六

張慶村初級小學	楊盤村初級小學	小張義村初級小學	北甄井村初級小學	演武村初級小學	秋村初級小學	陳侃村初級小學	郝莊村初級小學	西長壽村初級小學	級小學校	東賈村初級小學	楊村初級小學
全	全	全	全	全	全	全	全	全	全	全	民國八年三月
一五五	三一	四	二	六	二九	三九	三三	二五	二	二	五四
		五		一八		八		五	四		
上營村初級小學	南甄井村初級小學	東白村初級小學	西榮村初級小學	懷仁鎮初級小學	弓村初級小學	王家堡村初級小學	西河堡村初級小學	馬村初級小學	郝村初級小學	王郝村初級小學	小學校
民國元年八月	民國二年三月	全	民國三年三月	全	全	全	民國四年三月	民國五年三月	民國六年二月	全	全
五一	三四	一一	六二	六	三五	二六	九五	二八	六五	三	六
				一五			一五				

李家河村初級小學	民國十年三月	一五	二	韓家寨村初級小學	全	二	二
白家坡村初級小學	全	一二		東莊村初級小學	全	二七	
葛家莊村初級小學	全	一八		北後溝村初級小學	全	二	
南岩坪初級小學	民國十一年三月	一三		平地泉村初級小學	民國十一年三月	一一	三
趙家坡村初級小學	全	一六		張家河村初級小學	全	三二	八
柳溝村初級小學	全	一四		左付村初級小學	民國十二年三月	四二	
東付村初級小學	民國十三年十月	四二	一八	胡家灣村初級小學	民國十八年三月	一三	
<p>以上第五區 學校四十八處 學生一五五名</p>							

附論榆次當科舉時代攻制舉文者聲噪省垣設教鄰邑先後相望雖云不適時需然人文之盛概可覩焉及科舉廢學堂興諸生之奮然興起升學相競猶是曩時之雋也民國以來學校

尤盛束之以部章限之以時間至二十二年成立者達二百餘處詎非其盛歟而升學者顧日益稀豈人才消乏與時局生計所關耶然他奢侈軼蕩未減於前乃獨於是而日見其減且鄰縣又未必皆然也嗚呼向時私塾所授課洵不足論然師督其最優者餘由同學中優督其次遞為循環師總其成故能使不齊而漸就於齊其法未始不善也今乃集程度不齊之幼稚於同堂督以一師功課時間在在限制一人精力何以能周而且公家督勸之來務為搪塞向時之法漸滅淨盡以故向時三冬所識所書之字尚足為商肆學徒今則四年畢業所得常識反遜於前而且農工商業均不任其勞或淪於游惰嗚呼此豈設

學之本意哉狃於功令教育而不要其端徒爲曲就一如機械之施 民者又懼於功令而不敢稍違相與敷衍其弊乃積而幾不可挽也柳宗元記種樹者言所重順其天致其性推其極至雖愛實害雖憂實讐而借形其理於長人嗚呼彼豈無謂而云然哉竊取之以諗後之司教育任者